

鄖陽志

卷一

地理

沿革表

疆域

輿圖

形勢

山川

水利

關隘

古蹟

陵墓

風俗

知

序

乾隆乙卯春余以漢陽同知權知鄖陽偶閱康熙初武清劉君作霖所輯府志竊慨然興嘆以爲志他郡易志鄖郡難而亦惟鄖爲最要何者他郡建置率遠自秦漢近亦設自宋元其間事迹類見史傳而文學士又或撮其聞見錄之纂輯者不過從中採摭畧加去取而已哀然成帙矣鄖爲古麋庸國明成化朝都御史原公傑始奏建爲府前代旣靡有紀載又僻在西鄙罕文學士爲註錄無可採摭而爲治者欲其合民情宜土俗將於志乎求之而前志又鮮可徵信其何以爲治故曰難且要也余過不自量意欲取劉君所輯者重加釐正

鄖陽志

卷首

一

使少可觀覽會新任方山王君來受代卒卒返漢上越明年白蓮賊起余奉檄赴鄖與君共城守其秋又檄主轉餉奔走襄棗間至今年三月復過鄖則君方偕諸名士重輯郡志漸次脫稿而以余之嘗有志於斯也屬一言以序之噫劉志越今百餘年矣其莅此土號能文者不下數輩莅政之暇參互考訂寬如也舉泄泄不以爲意而君之來守也戎伏於莽射工沙蝨畢出而肆其毒礮火矢石轟擊左右旦夕幾莫能自保今雖稍寧謐而民氣未甦所爲還定安集之者宜日不暇給於此時而尙能徵文考獻勒成一編信乎識爲治之要而獨任其難有非衆人之所能及者矣君生平潔已惠下所至皆

有聲此固不足以盡君云嘉慶二年徂暑宛平張璿撰

鄖陽志

卷首

二

重修鄖陽志序

杜君卿有言志地理者在辨區域徵因革知要害察風土李宏憲謂飾州邦而敘人物因邱墓而徵鬼神乃言地理之通弊似不必及人物者余讀華陽國志於漢晉間士女表功勛旌賢能猶恐或佚自州都中正之職不修鄉閭士女之行非野史紀述卽無由表見使忠魂義骨與塵埃野馬同飄沒於邱原呂微仲所爲歎惜也修志者殆必兼之鄭漁仲曰志之大原出於爾雅詳浮言畧事實皆未足盡爾雅之義余輯鄖陽志蓋奉是爲圭臬體崇矜慎詞勿支離而於阨塞要害典型風教尤加詳焉乃意思零落性復遺忘不能成以獨手於

鄖陽志

卷首

序

一

是列表繪圖較同辨異則潘玳齋

應龍

任之博採者舊遐蒐

金石則唐未之

承中

呂象一

之儀

任之至名實混淆徵引援

据者熊雪槎

堂

也緒分類合兼綜條貫者謝翔青

攀雲

也若

夫去取從違理歸宜適則

常

竊取之矣書成凡得十卷統計

二十四萬餘言嘉慶二年冬長至日瀘州王正常譔

明徐學謨原序

鄖志志鄖也鄖故襄之屬邑也其省而躋之郡則自純皇帝之十有二年從御史大夫原公傑之請也曷請之劉石之旣平也天造草昧宜建侯而不寧夫是以城鄖而增其式廓焉而用二千石以鎮撫而室也而益之縣六又益之縣一而七焉蓋參楚之轄郡而十五之矣茲鄖之故也正德初志之矣而距草昧不三十年而近志猶弗志也迨今百年矣代綿而事逸鄖之父兄長老駸駸凌彘盡矣而莫或覩記之二千石將何恃以舉政夫是以宋豸之亟是也而檄襄史圖焉襄史固良於志也括其綱而論次之爲三十六焉而鄖之大都備

鄖陽志

卷首

原序

一

矣何前之茫然而今之燦然秩然也故曰鄖無志志之自今始也二千石可以觀政矣御史大夫徐學謨曰夫志史之流也以徵成敗而存興替志鄖者直志鄖哉將以治鄖也治鄖奈何夫鄖雍梁荆豫之交谿沔嶢嶠之區也深箐閔叢極目千里異時鴻雁之民不肅肅嗷嗷而飲啄於其土乎是故喜相舐怒相櫻突而耨鉏也突而戈鋌也反側呼吸爾治之不誠艱且棘哉然自原公治之而匡襄定矣百堵集矣齊而井伍之矣役而踐更之矣輸而租稅之矣巖之棲而野之茹日用飲食而已纖嗇不出游惰不入也百年以來始於劬勞而究於安宅也擾之視列郡加輕焉則又何以故夫齒角之爭

也非茹毛飲血之遺乎而至治出焉蓋鹿豕之性其神無卻也其天無闕也無卻故鑿之難無闕故順之易也洪荒降爲忠質矣忠質降爲文明矣文之弊也而風斯靡焉風之靡也而法令滋彰矣法令彰而民之駭機動矣是故黠者逞而嚚鬪愈不測聖人有憂焉將挽之於忠質而不可得則思其野焉思其鄙焉夫鄙與野衆人之所棄也而孔子老聃奚取之取之近乎古而可恃以權輿教化所謂賁極而反其本也楚文明之正位也列郡麗焉而鄖其微也若殿之矣而鄙與野固在焉欲反其本舍鄖將焉之乎是聖人之所取也故治鄖者無容斤斤焉而雕琢之也譬之假寐者彼方遊乎化人之

鄖陽志

卷首

原序

二

國至樂也乃欲提其耳而省聒之不重滋其駭機矣乎君子長者悶悶而坐理之以無忘蓋公之旨而事辦矣是鄖亦楚之華胥也不文奚病焉此志鄖者之意也詩不云乎天作高山太王荒之彼作矣文王康之語治由積累成也荒鄖者不原公哉今去原公遠矣而誰與康之御史大夫不敢尸也事在良二千石而已襄史者滇人周紹稷也以公車士備襄藩文學掌故云萬歷年月日

例言十四則

一 鄖陽郡邑志前明無存今惟

國朝康熙間楊廷耀刊府志闕而弗續者已百餘年矣乾隆癸未張道南有鄖西志乙巳常丹葵因其先郡司馬遺編成竹山志近日宣葆光用邑人張懋勳稿成竹谿志仇必達纂房志黃義峯纂保康志皆脫稿未刊鄖邑則附乘於郡其邁柱監修之湖廣通志魯之裕下荆南道志僅採之郡志而於躋駁之處鮮所訂證茲編雖依據各志而體例既殊詳畧亦異大要探源於二十二史旁摭古今羣籍以互爲印證總期文簡事覈可垂一方掌故

鄖陽志

卷首

例言

一 康熙省志載鄖分野曰翼軫雍正省志曰參翼軫鄭康成曰星土卽星野之分土也左氏內傳曰參晉星漢書地理志楚爲翼軫分野按今之兩湖汝南漢中盡楚分而以一隅當之章亥所步烏知其有合否耶茲於沿革敘及不復置辯

一 凡志圖繪卷首今則列於沿革疆域後並註山川關隘則縱橫千里畫沙聚米如睹諸掌矣至廟廡亦事描摹習見無關不煩楮墨又沿革秩官選舉志例用表舊志闕茲沿革據史官師據碑刻科甲據鄖志類編俱表之惟選貢雜流依舊志分門挨敘不復立表

一官師選舉表賢否駢列繫年也人有字或無字任則官師皆以地書人物或地或不地闕其所不知也貢之途有六近則注之遠無徵也

一地志莫難於沿革蓋疆域山川官師人物胥以沿革而定震奇矜博者摺蕪以爲富而併省離合之迹不能考訂而歸於一是以重沓牴牾紛然難理茲編援據正史詳識所自以示有徵並加按語以折衷之俾閱者瞭如

一鄖爲山水奧區元宋以前置爲荒徼文獻無徵貴耳者承訛師心者臆斷以至山川面目都爲所蒙茲編據水經地志悉心參稽俾閱者可以臥遊至諸志列八景十景名目

鄖陽志

卷首

例言

二

強作解事無與會心僅於叢紀姑存其名

一凡志每門緣起多用小序周官史制久爲掇拾之餘陳陳相因見而生厭茲編見於目錄按語不復贅設間有議論徵引與本志相發明仍綴數語前後所不拘也

一茲編以府志爲粉本而徵引諸書必標識其目間有增損成文者則曰某書纂或某書參某書至府志曰舊志示別也湖廣通志曰省志下荆南道志曰道志省文也

一康熙己酉鄖通判仇昌祚與郡貢生李紹賢纂鄖志類編卽庚申劉作霖所據以纂府志而楊廷耀刊之者今底冊存紹賢家倪遺蕪雜都所不免按門校對知當年去取多

未精密茲間爲採入仍曰類編

一舊志載官師人物年代姓名其顯然舛謬者如商山四皓隱地肺山在商州地舊志入鄖西且以爲唐人達魯花赤元代官名舊志誤以爲人其他錯訛不可枚舉茲有可據者正之否則兩存至畧無事實如薦牘考語人可移掇則削之

一列傳史例分忠孝儒林諸子目鄖屬人物無多不復條品唯生存者不錄范蔚宗傳列女摛次才行不必一操而以概方隅殊難其選茲編但屬亮節年例果符卽予揚徽婦女之守同然婦曰節女不曰節於貞爲宜至帝子流移名

鄖陽志

卷首

例言

三

賢僑寄亦茲土之光也附識於後

一事關典制爲直省通行遵奉者如

訓飭士子文月吉講讀鄉飲賓興祭祀樂章

恩詔

表箋律例條款已詳

大清會典及湖廣通志非鄖所尚書也俱不敢載

一藝文班固止載書目後世闡入詩文雜作殊失體裁且有謬爲附會者如舊志錄東坡新城道中詩竟以會稽之新城爲房陵則耳食之過也茲取文義繫乎此者仿范成大吳郡志例散綴各門其詞稍失當間爲點竅俾文從字順

鄙冗者不錄

一茲編從案牘之餘徵文考獻不憚往復第局於所見疎漏在所不免仍冀博雅君子賡續訂正

方山正常又識

鄧陽志

卷首

例言

四

纂修姓氏

候補道 鄖陽府知府 王正常 方山

四川崇慶州貢士 謝攀雲 翔青

分纂

鄖縣知縣 葉治 復齋

署房縣知縣 秦錫疇 春泉

竹山縣知縣 范繼昌 沂谷

竹谿縣知縣 宗超海 雲峯

保康縣知縣 楊開鏡 朗岩

署鄖西縣知縣 孔繼榘 雩谷

鄖陽志

卷首

姓氏

一

鄖陽府教授 熊堂 雪樵

鄖陽府訓導 唐承中 未之

鄖縣訓導 呂之儀 象一

四川三臺縣監生 潘應龍 狝齋

採訪

鄖縣歲貢生 吳義樽 兩山

鄖縣歲貢生 馮瑀 匪石

鄖縣廩生 趙寶善 樂也

鄖縣增生 吳文振 理堂

繪圖

鄭 縣 附 生 方希典 念茲

校對

竹 谿 縣 廩 生 李昌平 東山

繕寫

趙晉胄 子式

鄭 陽 府 書 吏

葉君尙 良菴

督梓

鄭 陽 府 經 歷 史積厚 載嶽

鄭陽志

卷首

姓氏

二

鄖陽志目錄

按志家分門互異明韓五泉朝邑志康對山武功志均不過七篇耳敘次點綴若有餘閒明以來推為絕作余竊師其意為門十沿革疆域形勢山川關隘地志之大者而古蹟與風俗推移亦地理所具也作地理一城池官署學校里社市集鋪遞津梁皆建置之事作建置二治民者先事神而二氏之宮亦得附見作祠祀三有人斯有土百物以生賦役以出作田賦四化導整齊經邦以文止戈以武作官師五老成典型風教繫焉作人物六人物不皆科貢而科貢亦人物所從出也作選舉七

鄖陽志

卷首

目錄

一

鄖在昔為重鎮除戎器戒不虞象取諸萃作兵防八天道人事捷於影響五行所由志也作祥異九方外伎藝志家不廢與奇聞軼說無門可附而又不可遺者作叢

紀十

卷一

地理

沿革表 疆域 輿圖 形勢 山川 水利 關隘 古蹟 陵墓 風俗

卷二

建置

城池 公署 坊表 學校 里社 市集 鋪遞 津梁

卷三

祠祀

寺觀附

卷四

田賦 蠲政 稅課 倉儲 物產 附

卷五

官師上表

官師下 宦迹

卷六

人物 列女 流寓 附

卷七

選舉 捐職 軍功 封贈 附

卷八

鄭陽志

卷首

目錄

二

兵防 兵事 附

卷九

祥異

卷十

叢紀

鄖陽府地理志卷一

候補道鄖陽府知府王正常輯

沿革

鄖陽府省志禹貢雍荆梁三州之域天文翼軫分野古麋庸

國左傳杜註庸今上庸縣麋亦國名括地志春秋楚地左

文十一楚子伐麋成大心敗麋師於防渚潘崇復伐麋至

於錫穴文十六庸人帥羣蠻以叛楚麋人率百濮聚於選

將伐楚楚使使侵庸戰國亦屬楚後屬秦更記楚世家懷王

及庸方城遂滅庸戰國亦屬楚後屬秦十七年秦大破楚

師於丹陽遂取漢中二十五年秦復與楚上庸頃王十九

年楚軍敗割上庸漢北地子秦正義謂割金均房三州及

漢水北子秦秦世家惠王十三年攻楚漢中取地六百里

置漢中郡襄王三年與楚上庸始皇本紀長信侯毒之亂

奪爵遷蜀者四千餘家家房陵括地志房陵即房州房陵縣古楚漢中郡

始皇帝分天下為三

鄖陽志

地理卷一

沿革

十六郡一漢中西漢為房陵今房縣上庸武陵今竹山錫

今鄖縣今廢上五縣地屬漢中郡前漢地理志漢中

鄖西今廢上長利津縣五縣地屬漢中郡郡領縣十二有房

陵上庸武陵錫長利武帝置十三州刺史漢中隸益州東漢為漢中

郡房陵上庸錫三縣地後漢郡國志漢中郡漢末別上庸

房陵為二郡尋以錫入上庸三國志建安二十年建安二

十四年二郡入蜀劉封傳孟達攻房陵太守蒯祺獻帝延

康元年為新城郡三國魏文帝紀建安二十五年改延康

自手筆令曰吾前遣使宣國威靈而達即來即封拜達使

還領新城太守劉封傳合房陵上庸西城三郡達領新城

太守魏曹丕即位改元黃初孟達言申儀叛劉封封破走還

成都上庸太守申耽降魏魏徙耽南陽轉儀魏興太守寰

記建安二十年分漢中之西城安陽為西城郡黃初二年魏文帝改為魏興晉書魏文以漢中遺黎立新城魏興二郡按新城立郡在黃初前魏興名郡在黃初後事出文紀故稱魏立

明帝分為新城上庸錫三郡魏志太和元年新城太守孟達反二年宣王攻破之分新城之上庸武靈巫縣為上庸郡錫縣為錫

郡太和四年併為新城錫二郡省上庸又分為上庸新城魏

興三郡魏志景初元年分魏興之魏陽錫郡之高貴鄉公安富上庸為上庸郡以錫縣入魏興郡

甘露四年復分新城置上庸郡隸荊州齊王芳嘉平五年紀帝自即位至於

是歲郡中多所置省意上庸景初復置後或芳又省甘露中復置與晉書地理志三國時荊州之名南北雙立南郡

宜都武陵零陵長沙桂陽蒼梧武昌為吳之荊州其南陽江夏襄陽南鄉魏興新城上庸屬魏之荊州宋書州郡志

三國無志事出帝紀雖立郡時見晉新城郡統縣四房陵而置縣不書今據三國紀傳纂入

緩陽昌魏汭鄉上庸郡統縣六上庸安富北巫武陵上廉

鄖陽志

地理卷一

沿革

二

微陽魏興郡統縣六晉興安康西城洵陽長利錫華陽國志魏興

郡領縣六晉興為興晉鄖鄉即長利餘同上庸郡領縣五有安樂無上廉新城郡領縣四俱同右三郡漢中所分也

在漢中之東故蜀漢謂之東三郡按與晉書小異蓋常氏據太康五年以後言晉書據太康四年以前言也

隸荆州惠帝中還隸梁州寰宇記太康四年移魏興郡理錫縣永嘉後自錫縣移魏興郡復理

西城故鄖亦稱魏興南北朝宋梁州新城郡領縣六房陵緩陽昌魏

祁鄉閬陽樂平上庸郡領縣七上庸北巫富安微陽武陵

新安吉陽魏興郡領縣十三有鄖鄉本錫縣太康五年改鄖鄉錫縣前漢

長利縣後漢省太康四年復立長利縣五年改為錫南齊改新城為南新城郡領縣

六與宋同上庸郡領縣九有新豐上廉齊安無富安鄖鄉錫

改屬齊興郡即今均州隋書武當舊置武當郡後改均州仍隸

梁州南齊書州郡志有兩齊興一屬郢州鎮非此有兩新城一屬益州鎮非此

州隋書地理志房陵郡光遷縣注舊以竹山為安成西魏

始見梁改上庸曰新豐俱見隋書梁州房陵郡下按北

日安成改上庸曰新豐魏地形志皇興四年置東上洛郡

永平四年改為上庸郡領縣二商豐陽本由上洛改置

領亦異非此魏世宗永平四年為梁武帝天監十年又

置南上洛郡隋書地理志西城郡豐利縣注有錫義山一

名天心山今錫義山在郎治西百二十里旁有東豐西豐

兩保或因豐利得名是梁之南上洛郡在豐利即郎境與

宋之南南上洛於雍西魏改房陵為光遷國改梁之南上

洛郡為豐利改安成曰竹山又置羅州改新豐仍曰上庸

周廢光遷國為遷州見周武帝保定三年紀改上庸曰孔陽有孔

豐利入上津郡隋書地理志豐利縣注梁置南上洛郡西

魏改曰豐利後周省入上津郡以熊川陽

川二縣入豐利縣興安志熊川故城在平利縣東陝西省

志疑在白河縣界按梁及西魏後周史俱缺地志從隋

書唐書隋豐利隸西城郡西城即魏興領縣七有改遷州

為房州統光遷永清永清舊曰大洪後周改為永清有沮

廢永竹山上庸四縣為房陵郡俱屬梁州按新城上庸

為房陵一郡至析郎鄉隸浙陽郡屬豫州浙陽郡領縣七

唐宋元皆合析郎鄉隸浙陽郡屬豫州有郎鄉俱詳隋

員陽志 地理卷一 沿革 三

記唐南豐州房陵仍隋舊二郡俱屬山南東道唐地理志

浙州皆郎鄉房陵仍隋舊二郡俱屬山南東道太宗元年